

甲午歲九月、台駕謁于勢州神祠之途中、海日新晴、陰雲四捲、縱觀富士山於千里之外、歸請諸老宿、各賦一偈、予亦預其數、輒以上呈、

西胤

千嶂雲開海日晴、士峯雪照勢州城、神靈不欲煩台駕、縮得東遊數十程、○中略

御方原望富士未刻步遠江之原始望富士峯形絕呼擲笠

萬里

天邊萬仞似看形、高呼奇々卸笠行、猶秘士峯真面目、亂雲送處未分明、

船上見富士

雲霧遮腰雪裹峯、始知富士爲吾容、未開一覽亭前眺、二十里間船上逢、○中略

登富士山

虎關

太易未形占艮宮、劫灰散後積塵豐、看來大地恰如粟、除却須彌別有峯、雪貫四時磨壁玉、嶽分八葉削芙蓉、至高本是無隣近、走獸飛禽自絕蹤、

虎關

二日行林少日穿、一朝寸草不生巔、帶雲衆嶺同滄海、步月吾人上碧天、大竇當中燒列岸、小池徹底凍無鏈、暫時欲送登望眼、凜々寒風先聳肩、

扇面水底富士

水底一團雪、春風吹不融、料知士峯影、寫在碧波中、

富山千仞雪峻嶒、幾度思登病未能、送汝錫飛三伏裏、歸來分我一壺水、○中略

富士

信義堂
妙心寺
雲居

突兀洛陽千里東、四時戴雪聳虛空、孤峯頭白衆山緣、恰似群兒圍老翁、

足高山

〔書言字考節用集二〕乾坤蘆高山フシカカヤ本字愛鷹、駿州駿東郡

〔國花萬葉記八〕河足高山 ふじより東にあり、此山唐よりふじと長くらべせんとて、日本へ來り